

KERATAN AKHBAR

TARIKH : 24 JANUARI 2024
AKHBAR : BERITA HARIAN
MUKA SURAT : 22

OPR mungkin turun separuh pertama 2024

OPR mungkin turun separuh pertama 2024

Kerajaan dijangka dapat kurangkan inflasi kepada angka disasar

Oleh Shahrizan Salian
shahrizan_salian@mediaprima.com.my

Kadar Dasar Semalaman (OPR) mungkin diturunkan pada separuh pertama tahun ini memandangkan inflasi dapat diturunkan ke tahap yang dimahukan.

Ketua Pegawai Eksekutif dan Pengasas Irhamy Valuers International, Irhamy Ahmad, berkata inflasi adalah cabaran terbesar pada tahun lalu, namun Bank Negara Malaysia (BNM) dan kementerian kerajaan bertindak dengan baik untuk membawa inflasi turun ke lingkungan yang disasarkan.

"Ini bermakna, kita mungkin melihat penurunan OPR separuh pertama 2024. Ini akan membantu merangsang lagi ekonomi," katanya menerusi satu kenyataan, semalam.

Irhamy Valuers International sebahagian daripada Juwai IQI, penyedia penasihat pasaran hartanah terkemuka serantau.

Irhamy berkata, pihaknya menganggarkan Keluaran Dalam Negara Kasar (KDNK) Malaysia naik daripada 4 peratus pada 2023 kepada 4.3 peratus tahun ini.

Katanya, anggaran itu sejajar unjuran pertumbuhan antara 4 hingga 5 peratus dibuat Kementerian Kewangan.

"Jika kami tepat dan pertumbuhan KDNK mencecah 4.3 peratus pada 2024, itu lebih rendah daripada unjuran 4.9 peratus yang dibuat lima bulan lalu berikutan perdagangan antarabangsa lebih lemah," katanya.

Beliau berkata, antara faktor yang akan mendorong pertumbuhan ekonomi tahun ini adalah

jangkaan pemulihan dalam sektor pelancongan.

Katanya, sesuatu yang menarik mengenai pelancongan adalah mengaji sejumlah besar bekerja, justeru pertumbuhan dalam sektor itu secara langsung memanfaatkan banyak isi rumah dengan menyediakan pekerjaan.

Pelancong meningkat

"Salah satu sebab tahun-tahun pandemik adalah amat sukar kepada ekonomi kerana menyebabkan perjalanan antarabangsa runtuh, terutama oleh pengguna dari China. Industri pelancongan antara industri paling terkesan oleh pandemik.

Memandangkan perjalanan antarabangsa telah pulih, sektor pelancongan Malaysia turut meningkat. Pada 2022, pelancongan menyumbang 14 peratus kepada KDNK, berbanding 15.9 peratus pada 2019," katanya.

Beliau menambah, ekonomi Malaysia juga bergantung kepada kedua-dua permintaan do-



Kemasukan pelancong yang semakin pulih menyumbang kepada pertumbuhan ekonomi negara. (Foto hiasan)

mestik dan eksport.

Katanya, pada 2024, Malaysia akan mencatatkan eksport lebih tinggi berbanding 2023 dengan kenaikan secara berperingkat sepanjang tahun ini.

"Peningkatan eksport Malaysia akan dipacu oleh permintaan lebih kukuh dari Amerika Utara dan Zon Euro.

"Pertubuhan Perdagangan Dunia (WTO) mengunjurkan volum perdagangan dunia meningkat 3.3 peratus tahun ini," katanya.

"Jika ekonomi utama mengatasi inflasi dan mengurangkan kadar faedah lebih awal daripada

jangkaan, eksport berkembang lebih pantas.

"Pada separuh kedua, pasukan saya memindahkan sebuah kilang dari Malaysia ke Mumbai, India.

"Kilang itu mengeluarkan pakalan sanitari untuk hospital dan ini contoh industri bernilai lebih rendah berpindah keluar dari Malaysia ke lokasi lebih murah untuk beroperasi.

"Malaysia sedang dalam peralihan daripada pembuatan bernilai rendah kepada pengeluaran produk yang menjana pulangan lebih tinggi," katanya.